



UDRUŽENJE GRAĐANA ZA POVRAT STARE  
DEVIZNE ŠTEDNJE U BiH i DIJASPORI

RAIFFEISEN BANKA  
ž.r. 1610450036820073  
e-mail: [nnisic@spinter.net](mailto:nnisic@spinter.net)  
[www.starastednjabh.org](http://www.starastednjabh.org)

Sjedište: Banja Luka 78000  
I. G. Kovačića 139b  
tel. 051/380-738  
fax. 051/381-374

---

UPRAVNI ODBOR

Broj: 1572/10

Banja Luka, 29.09.2010.

**ZAKLJUČCI SA GENERALNE SKUPŠTINE UDRUŽENJA ZA POVRAT STARE  
DEVIZNE ŠTEDNJE U BIH I DIJASPORI**

- održane u Banjaluci dana: 26.09.2010

1. Podrška Upravnom odboru jedinog legitimnog predstavnika Udruženja za povrat stare devizne štednje u periodu 2004 i dalje;
2. Devizne štediške, njihovi naslijednici i zastupnici, ne prihvataju postojeća zakonska rješenja za isplatu stare devizne štednje bez kamata, a posebno za oduzimanje kamata – retroaktivno;
3. Devizne štediške na prihvataju prijedloge rješenja devizne štednje od strane institucija vlasti BiH ( koje predlažu da se isplati samo glavnica, a da se kamate, zatezne kamate i materijalna šteta Ljubljanske Banke d.d. Ljubljana i Invest banka d.d. Beograd, obe radile na teritoriji BiH , koja čini vrijednost 3 x veću od glavnice , ulože u Centralnu Banku BiH na period od 20 godina, uz 1% godišnje kamate, *sa obavezom da devizne štediške potpišu saglasnost da navedene iznose neće podizati prije 20 godina od dana potpisa* );
4. Generalna Skupština Udruženja građana za povrat stare devizne štednje u BiH i dijaspori zahtijeva od Vlade Republike Slovenije i Vlade Republike Srbije da pod hitno započnu pregovore sa predstavnicima Udruženja građana za povrat stare devizne štednje u BiH i dijaspori kao pravnim zastupnicima vlasnika devizne štednje koja je uložena u Ljubljansku banku d.d. Ljubljana i Invest banku Beograd, kako bi bez manipulacija vlasti Bosne i Hercegovine nakon 20 godina čekanja zajednički riješili ovaj problem na obostrano zadovoljstvo. U protivnom, Generalna Skupština zahtijeva od Upravnog Odbora Udruženja građana za povrat stare devizne štednje u BiH i dijaspori da pokrene inicijativu i pozove sve devizne štediške iz zemlje i dijaspore na blokadu sve pokretne i nepokretne imovine koju navedene države posjeduju u BiH kao i njihova predstavništva ( konzulate i ambasade ), i da zabrane njihov dalji rad dok se ovo pitanje ne riješi
5. *Devizne štediške*, radi dosadašnje zloupotrebe stare devizne štednje u privatizaciji državnog kapitala, zabranjuju institucijama zakonodavne i izvršne vlasti u BiH, da upravljaju sa starom deviznom štednjom bez saglasnosti deviznih štediša i njihovog pravnog zastupnika Udruženja građana za povrat stare devizne štednje u BiH i dijaspori sa sjedištem u Banjaluci – I.G. Kovačića br. 139 B – kojeg pravno zastupa predsjednik Upravnog Odbora, g.din Svetozar Nišić;

6. Devizne štediša u BiH i dijaspori iz bivših EX Jugoslavenskih Republika/ sada država, ne prihvataju presudu Evropskog Suda za ljudska prava u Strazburu u predmetu Suljagić protiv BiH, koja je donešena po tužbi, broj 27912/02 od 03.11.2009. godine , koja je u suprotnosti sa članom 6 stav 1 Evropske konvencije za zaštitu ljudskih prava i osnovnih sloboda, koje se odnosi na fer i korektno suđenje , i suprotnosti sa članom 14 iste konvencije, koja zabranjuje diskriminaciju i donošenje zaključaka na pogrešno utvrdnim činjenicama i posebno kod legitimisanja pravnih zastupnika iz BiH od strane i u korist tužene.
7. Devizne štediša, traže putem udruženja, da se podnese prigovor Velikom Vijeću Evropskog suda za ljudska prava u Strazburu na presudu u predmetu Suljagić protiv BiH, i da se iz iste izuzmu tužbe Udruženja deviznih šediša putem apelacija u broju od 16.428 podnesene predhodno Evropskom sudu u Strazburu, jer nije u skladu sa Evropskom konvencijom, što legitimno se može i dokazati.
8. Devizne štediša u potpunosti podržavaju aktivnosti Udruženja za povrat stare devizne štednje kod zastupanja u : Savjetu Evrope, Generalnom Sekretarijatu Savjet Evrope, Evropskoj komisiji u Briselu i BiH, Direkciji za Evropske integracije i ulazak BiH u članstvo EU, Ujedinjenim Nacijama , Generalnom sekretarijatu UN a i posebno kod Suda za ljudska prava UN u Hagu;
9. Devizne štediša, članovi Udruženja , na današnji dan donose i odluku o zabrani korištenja i raspolaganja dokumentacijom stare devizne štednje u BiH od strane APIF u Republici Srpskoj i AFIPa u Federaciji BiH, radi sprečavanja dalje zloupotrebe devizne štednje ( što je u ranijim slučajevima od strane navedenih institucija i dešavalo ) , posebno način korištenja i zloupotreba devizne štednje u kupovini državnog kapitala u procesu privatizacije, a bez pokrivača devizne štednje i vlasnika računa deviznih štediša u BiH i dijaspori.
10. Devizne štediša zahtijevaju od Vlade FBiH i Agencije za privatizaciju FBiH da pod hitno neiskorištena potraživanja po osnovu stare devizne štednje, koja su bez saglasnosti vlasnika prenijeta na jedinstvene račune, vrata na račune imaoća, sve u skladu sa Zakonom o izmjenama i dopunama Zakona o utvrđivanju i realizaciji potraživanja građana u postupku privatizacije ( Službene Novine, broj 53/07 ).
11. Pozivaju se institucije zakonodavne i izvršne vlasti u BiH, na svim nivoima, da uz podršku međunarodnih relevantnih institucija ( OHR, OSCE, UNDP, Helsinški Odbor za ljudska prava u BiH i Evropska komisija u BiH ) a u direktnoj saradnji sa legitimnim predstavnicima ovog Udruženja, prihvate prijedlog deviznih štediša, i izrade novi zakon koji će u potpunosti prihvatiti obaveze iz Međunarodnog sporazuma iz 2001 godine i postupiti po Evropskoj konvencijki za zaštitu ljudskih prava i zaštite legalno stečene privatne imovine.
12. Pozivaju se sve institucije zakonodavne i izvršne vlasti u BiH, na svim nivoima, da izvrše analizu sprovedenog procesa zloupotrebe stare devizne štednje u kupovini državnog kapitala, kroz privatizaciju u Republici Srpskoj, Federaciji BiH i Brčko

Distriktu BiH, i javno prezentuju javnosti i preduzmu sve obavezne zakonske mijere u kažnjavanju pojedinaca, pravnih lica i lica koja su zloupotrebila svoj položaj u navedenom procesu a zaposlena su ili bila zaposlena u državnim institucijama BiH.

13. Generalna Skupština Udruženja građana za povrat stare devizne štednje u BiH i dijaspori zahtijeva od zakonodavne i izvršne vlasti BiH, uključujući i Ustavni sud BiH, kao i OHR-a da poništi privatizaciju državnog kapitala u Republici Srpskoj, Federaciji Bosne i Hercegovine i distriktu Brčko, koja je izvršena tzv. starom deviznom štednjom i zloupotrebom prenešena na privatne račune ratnih i poratnih profitera koji su zaposleni u svim nivoima vlasti. Udruženje posjeduje dokumentaciju u kojoj stoje imena i prezimena onih koji su zloupotrebom položaja i moći iskoristili staru deviznu štednju da postanu još bogatiji gdje je pojedinac kupovao i po 25 preduzeća tzv. starom deviznom štednjom bez ijedne marke – fiktivnim papirima, a koja nam ukazuje da je u privatizaciji učestvovalo više devizne štednje nego što je bilo na računima građana.
14. Generalna Skupština Udruženja građana za povrat stare devizne štednje u BiH i dijaspori zahtijeva od OHR-a i njihovog antikorupcionog tima, koji je posjetio instituciju Udruženja, da preduzmu istragu na osnovu dokumenata koje su preuzeli kada su bili u posjeti Udruženju, kao i dokumentacije koja im je dostavljena od strane predsjednika Upravnog Odbora Udruženja, gospodina Svetozara Nišića u prisustvu advokata Duška Tomića i člana Upravnog Odbora Udruženja gospodina Mitra Malića 16.03.2010., i da postupak i rezultate istrage prezentuju javnosti i da daju pismeni odgovor Udruženju o preduzetim mjerama i radnjama po to pitanju.
15. **Udruženje građana** za povrat stare devizne štednje u BiH i dijaspori ovlašćuje g-dina Svetozara Nišića kao predsjednika Upravnog Odbora Udruženja, da u Parlamantarnoj Skupštini BiH, g-đu Mirelu Zrnić da u Narodnoj Skupštini Republike Srpske pravno, zakonski i politički zastupaju interese deviznih štediša iz BiH i dijaspore.
16. Svi članovi Udruženja građana za povrat stare devizne štednje u **BiH i dijaspori prisutni** na Generalnoj Skupštini Udruženja, ovlašćuju predsjednika Upravnog Odbora, gospodina Svetozara Nišića, da uspostavi mehanizam naplate potraživanja stare devizne štednje, kamata na staru deviznu štednju, zateznu kamatu na deviznu štednju i svu materijlnu štetu prouzrokovanu od strane bankarskog sektora, finansijskih institucija i institucija države BiH, koji su zloupotrebili devizne štediše i bez njihovog ovlašćenja prodavali, kupovali, trgovali sa starom deviznom štednjom.
17. Ovlašćuje se Upravni Odbor Udruženja da putem pravnog zastupnika i notara, sačini dokumenat koji će pravno urediti sve zaključke Generalne Skupštine Udruženja građana za povrat stare devizne štednje u BiH i dijaspori i donjeti odgovarajuće pravne Odluke u cilju zastupanja svih iznesenih zaključaka i ovjerenih od ovlaštenih lica Skupštine, održane na dan 26.09.2010. godine u Banjaluci.
18. *Na kraju Udruženje građana za povrat stare devizne štednje u BiH i dijaspori, poručuje javnosti: Da su svoj novac zarađivali u Evropi i cjelom svijetu, kako kroz redovan rad tako i kroz prekovremeni rad, većinom je bio to teški fizički rad, skoro svaki dan i do*

*16 i više sati u periodu nekoliko decenije svog života. Novac je teško i mukotrpno stečen, radeći i živeći u lošim stambenim uslovima, odvojeni bez porodice svoj novac su položili na povjerenje u državne tadašnje banke u BiH, a danas su bez zdravstvenog osiguranja, na rubu preživaljavanja, bez novca za hranu. ljekove itd.. dragi sugrađani, da li išta trebamo da više kažemo, osim podržite našu pravednu borbu za povrat našeg vlasništva, dostojanstvo i život čovjeka a u korist svih ostalih građana BiH!*

Banja Luka,  
29.09.2010.

Za Upravni Odbor  
predsjednik

/ Svetozar Nišić /



Dostavljeno:

1. Savjet Ministara BiH;
2. Visokom predstavniku za BiH, g-dinu Valentinu Inzku;
3. Predsjedništvu BiH;
4. Vladi RS;
5. Vladi FBiH;
6. Vladi Brčko Distrikta;
7. Vladi Republike Slovenije;
8. Vladi Republike Srbije;
9. Tužilaštvu BiH;
10. OSCE
11. Evropskom Sudu za zaštitu ljudskih prava u Strazburu;
12. Savjetu Evrope;
13. Generalnoj Skupštini Savjeta Evrope preko Generalnog sekretara;
14. Organizaciji UN;
15. Generalnom sekretaru UN, g. Ban Ki Mun;
16. Evropskoj Komisiji, generalnom sekretaru za proširenje, g. Jose Manuel Barroso;